

EU PALČIĆ

MAGAZINČIĆ O EU

OKTOBAR/LISTOPAD 2024.

BROJ 15

ISSN 22331638





IZDAVAČ:

DIREKCIJA ZA EVROPSKE
INTEGRACIJE

ĐOKE MAZALIĆA 5
71000 SARAJEVO
www.dei.gov.ba
+387 33 255 011

GLAVNA I ODGOVORNA UREDNIKA IZDANJA DIREKCIJE:

Elvira Habota

UREDNIČKI KOLEGIJ:

Lana Babić
Suzana Mijatović
Davor Dujmović

DIZAJN I DTP:

TRIPTIH d.o.o.

ŠTAMPA:

GrafoMark

ČASOPIS EU PALČIĆ JE BESPLATAN.

UKOLIKO STE PLATILI SVOJ
PRIMJERAK OBAVIJESTITE
NAS NA TELEFONSKI BROJ
IZDAVAČA ILI MAIL
suzana.mijatovic@dei.gov.ba.



DRAGE EU PALČICE, DRAGI EU PALČIĆI,

U OVOM BROJU VAS UPOZNAJEMO S **BELGIJOM I
MAĐARSKOM**, DVIJE DRŽAVE KOJE U 2024. GODINI
PREDSJEDAVAJU EVROPSKOM UNIJOM.

BELGIJA ILI ZEMLJA ČOKOLADE, U KOJOJ SE GODIŠNJE
PROIZVEDE VIŠE OD 170 MILIONA TONA OMILJENE
POSLASTICE, NALAZI SE U SJEVEROZAPADNOJ EVROPI.

U GLAVNOM GRADU BELGIJE, BRISELU, JE SJEDIŠTE BROJNIH
INSTITUCIJA EVROPSKE UNIJE, OD KOJIH SU NAJVAŽNIJE
EVROPSKA KOMISIJA I EVROPSKO VIJEĆE.

STANOVNICIMA BOSNE I HERCEGOVINE ZNATNO JE BLIŽA
MAĐARSKA, KOJA SPADA MEĐU NAJSTARIJE DRŽAVE U EVROPI.
VJERUJEMO DA SU MNOGI OD VAS POSJETILI GLAVNI GRAD
MAĐARSKE, BUDIMPEŠTU, UŽIVALI U VOŽNJI DUNAVOM ILI U
OBILASKU ZOOLOŠKOG I BOTANIČKOG VRTA.

SLIJEDI KRATKA LEKCIJA IZ EKOLOGIJE U KOJOJ ĆEMO UČITI O
GRADSKOM ZELENILU. SAZNAJTE ZAŠTO PARKOVI NISU SAMO
OAZE ZA ODMOR I REKREACIJU I KAKO GRADSKO ZELENILU
UTIČE NA KVALITET NAŠEG ŽIVOTA.

U 15. BROJU „EU PALČIĆA“ PIŠEMO I O **MEĐUGENERACIJSKOJ
SOLIDARNOSTI**, ODNOSNO, O DOGAĐAJIMA KOJI SE
SVAKE GODINE KRAJEM APRILA ORGANIZUJU U DRŽAVAMA
EVROPSKE UNIJE, KAKO BI SE POTAKLO BOLJE RAZUMIJEVANJE I
POŠTOVANJE MEĐU LJUDIMA RAZLIČITIH DOBI.

ZA VAS SMO PRIPREMILI I KRATKE **TESTOVE ZNANJA** O
EVROPSKOJ I KULTURNOJ BAŠTINI BOSNE I HERCEGOVINE,
POZNAVANJU EVROPSKIH JEZIKA I DRUGE ZABAVNE SADRŽAJE.

ZA KRAJ SMO, NARAVNO, OSTAVILI **NAGRADNI ZADATAK**, UZ
NAPOMENU DA I OVE GODINE OD VAS OČEKUJEMO PUNO
CRTEŽA.

SAZNAJTE KORISNE INFORMACIJE O EVROPSKOJ UNIJI, UČITE I
ZABAVLJAJTE SE, A MI SE ISKRENO NADAMO DA ĆE I OVAJ BROJ
„EU PALČIĆA“ ISPUNITI VAŠA OČEKIVANJA.

ШТА МОРАТЕ ЗНАТИ О ЕВРОПСКОЈ УНИЈИ



ЕВРОПСКУ УНИЈУ
ЈЕ **ОСНОВАЛО**
ШЕСТ ДРЖАВА
ЧЛАНИЦА.



У ЕВРОПСКОЈ УНИЈИ
ЖИВИ ВИШЕ ОД
448 МИЛИОНА
СТАНОВНИКА.



ЕВРОПСКА УНИЈА
ДАНАС ИМА
27 ДРЖАВА
ЧЛАНИЦА.



ЕВРО КАО ВАЛУТА КОРИСТИ СЕ У
20 ДРЖАВА ЕВРОПСКЕ УНИЈЕ,
КОЈЕ ЗАЈЕДНО ЧИНЕ ЕВРОЗОНУ.



ДАН
ЕВРОПЕ
СЕ СЛАВИ
9. МАЈА.

ЗАЈЕДНИЧКА НАЧЕЛА И ВРИЈЕДНОСТИ НА
КОЈИМА СЕ ЗАСНИВА ЕВРОПСКА УНИЈА СУ:

**ЈЕДНАКОСТ И
ВЛАДАВИНА ПРАВА**

СЛОБОДА

ДЕМОКРАТИЈА

**ПРОМОВИСАЊЕ
МИРА И СТАБИЛНОСТИ**

МОТО ЕВРОПСКЕ УНИЈЕ ГЛАСИ „УЈЕДИЊЕНИ У РАЗЛИЧИТОСТИ“.



BELGIJA

BELGIJA ILI ZEMLJA ČOKOLADE, KAKO JE
MNOGI NAZIVAJU JER TU UKUSNU
POSLASTICU PROIZVODE OD 18. VIJEKA
A TAJNU RECEPTURU JOŠ UVIJEK ČUVAJU,
NALAZI SE U SJEVEROZAPADNOJ EVROPI
I IMA VIŠE OD **11,7 MILIONA STANOVNIKA**.
U BELGIJI SE KORISTE TRI SLUŽBENA
JEZIKA: **FRANCUSKI, NJEMAČKI
I NIZOZEMSKI (FLAMANSKI)**.

GLAVNI GRAD BRISEL KRASE BROJNE
HISTORIJSKE I KULTURNE GRAĐEVINE,
MEĐU KOJIMA SU NAJPOZNATIJE
KRALJEVSKA KUĆA, GRADSKA
VIJEĆNICA, GRADSKI MUZEJ, PALATA
PRAVDE, PALAIS ROYAL (ZVANIČNA
PALATA KRALJA BELGIJE) I JEDAN OD
NAJLJEPŠIH EVROPSKIH TRGOVA -
GRAND PLACE.

U BRISELU SE NALAZI **SJEDIŠTE BROJNIH
INSTITUCIJA EVROPSKE UNIJE**, OD KOJIH SU
NAJVAŽNIJE EVROPSKA KOMISIJA I
EVROPSKO VIJEĆE.

JEDAN OD MODERNIH SIMBOLA
BRISELA JE ČUVENI **ATOMIUM**, OBJEKAT
SASTAVLJEN OD DEVET MEĐUSOBNO
SPOJENIH KUGLI KOJE SIMBOLIZUJU
ATOM ŽELJEZA UVEĆAN 165 MILIONA
PUTA.

BELGIJANCI SU IZMISLILI **VAFLE, POMFRIT,
SAKSOFON** I OMILJENE CRTANE LIKOVE
ŠTRUMFOVE KOJE JE OSMISLIO BELGIJSKI
KARIKATURISTA PJer KALIFORD,
POZNATIJI PO NADIMKU PEJO.

BELGIJSKI GRAD **ANTWERPEN** JE SVJETSKA
PRIJESTOLNICA DIJAMANATA I JEDNA
OD NAJVEĆIH EVROPSKIH LUKA.
BELGIJA IMA NAJDUŽU TRAMVAJSKU
LINIJU NA SVIJETU, DUGAČKU ČAK 68
KILOMETARA.



PREDSJEDANJE EUROPSKOM UNIJOM

MAĐARSKA

Budimpešta



MAĐARSKA JE JEDNA OD NAJSTARIJIH DRŽAVA U EUROPI, SMJEŠTENNA U SREDIŠTU „STAROG KONTINETA“ I IMA OKO **9,5 MILIJUNA STANOVNIKA**. GLAVNI GRAD **BUDIMPEŠTA** JE NASTAO OD TRI GRADA; BUDIMA, PEŠTE I OBUDA, A RIJEKA **DUNAV** DIJELI GRAD NA DVA DIJELA.

BUDIMPEŠTA JE POZNATA PO BROJNIM MONUMENTALNIM GRAĐEVINAMA, A MEĐU NAJPOZNATIJIM SU BUDIMSKI DVORAC, MAĐARSKI NACIONALNI PARLAMENT, VAJDAHUNYAD DVORAC, TVRĐAVA CITADELA, TRG HEROJA...

U BUDIMPEŠTI SE MOŽETE VOZITI **BRODOVIMA NA DUNAVU**, ALI I **VLAKOM KOJIM UPRAVLJAJU DJECA** OD 10 DO 14 GODINA. MLADI KONDUKTERI I INSPEKTORI MORAJU PRETHODNO ZAVRŠITI ČETVEROMJESEČNI TEČAJ, A ODRASLE SU OSOBE SAMO STROJOVOĐE I ŠEFOVI STANICA.

U USPOREDBI S OSTALIM EUROPSKIM JEZICIMA, **MAĐARSKI JEZIK** SE TEŠKO UČI JER MAĐARSKA ABECEDA IMA ČAK 44 SLOVA.

U MAĐARSKOJ SE NALAZI NAJVEĆE **JEZERO** U SREDNJOJ EUROPI **BALATON**, KOJE JOŠ NAZIVAJU „MAĐARSKO MORE“, ALI I NAJVEĆA ZAŠTIĆENA **PUSTINJA** U SREDNJOJ EUROPI **HORTOBÁGY**.

U PROŠLOSTI SU SE MAĐARI, OSOBITO ONI KOJI SU ŽIVJELI U RAVNICAMA, KRETALI NA KONJIMA I ZVALI SU SE **KAUBOJI ILI CSIKOSI**.

I DANAS MOŽETE VIDJETI MAĐARSKE KAUBOJE KOJI TRENIRAJU KAO NJIHOVI PRECI I ČUVAJU SIVA GOVEDA I KOVRČAVE SVINJE.

MAĐARI SU IZUMILI **HELIKOPTER**, **KEMIJSKU OLOVKU** I **RUBIKOVU KOCKU**.

NAJPOZNATIJE MAĐARSKO JELO JE **GULAŠ**, A NACIONALNA VALUTA SE ZOVE **FORINTA**.



ЗЕЛЕНА ПРИЈЕСТОНИЦА ЕВРОПЕ И ЕВРОПСКИ ЗЕЛЕНИ ЛИСТ



ВИШЕ ОД 70 ОДСТО СТАНОВНИКА ЕВРОПЕ ЖИВИ У ГРАДОВИМА, ЗБОГ ЧЕГА СУ ИЗЛОЖЕНИ ЗАГАЂЕНОМ ВАЗДУХУ ИЛИ ВОДИ, ВИСОКОМ НИВОУ БУКЕ И НЕДОСТАТКУ ЗЕЛЕНИЛА. КАКО БИ ЖИВОТ У УРБАНИМ СРЕДИНАМА УЧИНИЛИ ЗДРАВИЈИМ И КВАЛИТЕТНИЈИМ, У ДРЖАВАМА ЧЛАНИЦАМА ЕВРОПСКЕ УНИЈЕ ПОКРЕНУТА ЈЕ КАМПАЊА ЗА ТИТУЛУ ЗЕЛЕНЕ ПРИЈЕСТОНИЦЕ ЕВРОПЕ И НАГРАДУ ЕВРОПСКИ ЗЕЛЕНИ ЛИСТ.

ЕВРОПСКИ ЗЕЛЕНИ ЛИСТ ЈЕ НАГРАДА КОЈА СЕ ДОДЈЕЉУЈЕ МАЊИМ ГРАДОВИМА КОЈИ ИМАЈУ ИЗМЕЂУ 20 000 И 100 000 СТАНОВНИКА, А ГРАДОВИ У КОЈИМА ЖИВИ ВИШЕ ОД СТО ХИЉАДА ГРАЂАНА ТАКМИЧЕ СЕ ЗА **ЗЕЛЕНУ ПРИЈЕСТОНИЦУ ЕВРОПЕ**.

УРБАНА ПОЉОПРИВРЕДА, ПУНО ДРВЕЋА, ПЕШАЧЕЊЕ И ВОЖЊА

ПОСТАЈУ СВЕ ПОПУЛАРНИЈИ У ЕВРОПИ,
А ГРАДОВИ КОЈИ СУ СВОЈИМ
СТАНОВНИЦИМА СВЕ ТО ОБЕЗБИЈЕДИЛИ
МОГУ РАЧУНАТИ НА ФИНАНСИЈСКУ
ПОМОЋ И ПОСТАЈУ АМБАСАДОРИ
ЗЕЛЕНИХ ГРАДОВА У
ЦИЈЕЛОМ СВИЈЕТУ.





ВЕЛИКА ЈЕ ЧАСТ ПОНИЈЕТИ
ТИТУЛУ ЗЕЛЕНОГ ГРАДА, АЛИ ЈЕ
НИЈЕ ЛАКО ДОБИТИ ЈЕР СЕ, ПРЕТХОДНО,
МОРАЈУ ИСПУНИТИ СТРОГИ КРИТЕРИЈУМИ
КОЈИ СЕ ОДНОСЕ НА УПРАВЉАЊЕ ВОДОМ И
ОТПАДОМ, КВАЛИТЕТ ВАЗДУХА,
БИОРАЗНОЛИКОСТ, ЕНЕГРЕТСКУ ЕФИКАСНОСТ...
У 2024. ГОДИНИ ТИТУЛА ЗЕЛЕНЕ ПРИЈЕСТОНИЦЕ
ЕВРОПЕ ДОДИЈЕЉЕНА ЈЕ ШПАНСКОМ ГРАДУ
ВАЛЕНСИЈИ, А ЕВРОПСКИ ЗЕЛЕНИ ЛИСТ
ДОБИЛИ СУ ГРАДОВИ **ВЕЛЕЊЕ** У
СЛОВЕНИЈИ И **ЕЛСЕНОРЕ** У
ДАНСКОЈ.

ДА ЛИ ЗНАТЕ

ДА ДРВЕЋЕ У ВЕЛИКИМ ГРАДОВИМА МОЖЕ ПОХРАНИТИ ЈЕДНАКУ КОЛИЧИНУ
УГЉЕНИКА КАО И ТРОПСКЕ ШУМЕ?

ДА ПАРКОВИ НИСУ САМО ОАЗЕ ЗА ОДМОР И РЕКРЕАЦИЈУ И ДА СУ ВЕОМА ВАЖНИ ЗА
КЛИМУ У ГУСТО НАСЕЉЕНИМ ГРАДОВИМА?

ДА ГРАДСКО ЗЕЛЕНИЛО УТИЧЕ НА ТЕМПЕРАТУРУ И ЧИСТОЋУ ВАЗДУХА, СУЗБИЈАЊЕ
БУКЕ И ДА НАС ШТИТИ ОД РАДИОАКТИВНИХ УТИЦАЈА?

ДА КЛИМАТСКЕ ПРОМЈЕНЕ НЕ МОЖЕМО ПОБИЈЕДИТИ, АЛИ ИХ МОЖЕМО
УБЛАЖИТИ?

EVROPSKI DAN MEĐUGENERACIJSKE SOLIDARNOSTI

29. april



EVROPSKI PARLAMENT I EVROPSKA KOMISIJA POKRENULI SU 2009. GODINE OBILJEŽAVANJE EVROPSKOG DANA MEĐUGENERACIJSKE SOLIDARNOSTI S CILJEM **PODIZANJA SVIJEŠTI O VAŽNOSTI SOLIDARNOSTI MEĐU RAZLIČITIM GENERACIJAMA.**

SVAKE GODINE **29. APRILA** DILJEM EVROPE ORGANIZUJU SE RAZLIČITI DOGAĐAJI I AKTIVNOSTI KAKO BI SE POTAKLO BOLJE RAZUMIJEVANJE I POŠTOVANJE MEĐU LJUDIMA RAZLIČITIH DOBI, A **CIJELA POSLJEDNJA SEDMICA U APRILU OBILJEŽAVA SE KAO GLOBALNA MEĐUGENERACIJSKA SEDMICA.**

OVE GODINE JE, U POVODU OBILJEŽAVANJA PETNAESTE GODIŠNJICE EVROPSKOG DANA MEĐUGENERACIJSKE SOLIDARNOSTI, USVOJENA ZAJEDNIČKA DEKLARACIJA „**UJEDINJENI KROZ GENERACIJE**“.





DOGOVORITE SA SVOJIM NASTAVNICIMA I PRIJATELJIMA I U APRILU SLJEDEĆE GODINE PRIREDITE VAŠIM STARIJIM KOMŠIJAMA ILI SUGRAĐANIMA UGODNO IZNENAĐENJE. PREDLAŽEMO DA POSJETITE NAJBЛИŽI CENTAR U KOJEM SE OKUPLJAJU PENZIONERI ILI DOM ZA STARIJE OSOBE. ŠKOLSKA PRIREDBA, PJESMA, IGRA I DRUŽENJE ZASIGURNO ĆE I NJIMA I VAMA ULJEPŠATI DAN.

„UJEDINJENI KROZ GENERACIJE“

ODVOJITE MALO SLOBODNOG VREMENA I POSJETITE SVOJE STARIJE ROĐAKE ILI KOMŠIJE.



UDRUŽITE VAŠU MLADALAČKU SNAGU I POLET SA ZNANJEM I ISKUSTVOM STARIJIH.



ORGANIZUJTE ZAJEDNIČKE AKTIVNOSTI, KAO ŠTO SU UREĐENJE OKUĆNICA, PARKOVA, IGRALIŠTA...



PITAJTE IH DA LI IM TREBA NEŠTO KUPITI ILI POMOĆI U OBAVLJANJU SVAKODNEVNIH POSLOVA.



U RAZGOVORU SA STARIJIM LJUDIMA MOŽETE SAZNATI PUNO KORISNIH STVARI, NE BJEŽITE OD NJIHOVIH SAVJETA.

IGRA ZAGONETKI

DRAGE PAČICE, DRAGI PALČIĆI,

PUTOVAT ĆETE KROZ RAZLIČITE ZEMLJE EUROPE I OTKRIVATI ZANIMLJIVE ČINJENICE O NJIMA. VAŠ ZADATAK JE RIJEŠITI SVAKU ZAGONETKU I PRONAĆI KLJUČNU RIJEČ NA KRAJU.

PRAVILA IGRE: ♥

POČETNA SLOVA
ODGOVORA NA PITANJA
UPISUJTE REDOM U PRAZNE
KRUŽIĆE ISPOD KAKO BISTE
DOBILI KLJUČNU RIJEČ -
JEDNU OD VAŽNIH
VRIJEDNOSTI EUROPSKE
UNIJE.

○ ○ I J ○ T E ○ ○ T V O

ZAGONETKE


PRVO SLOVO ODGOVORA UPIŠITE
U PRAZNO POLJE ZA KLJUČNU RIJEČ NA PRETHODNOJ STRANI.

1



FRANCUSKA JE POZNATA PO EIFFELOVOM TORNJU
I UKUSNIM KROASANIMA.

KOJI JE GLAVNI GRAD FRANCUSKE?



2



ITALIJA JE POZNATA PO PASTAMA I PIZZI, A NJEZIN GLAVNI
GRAD JE POZNAT PO KOLOSEUMU.

KOJI JE GLAVNI GRAD ITALIJE?




3



NIZOZEMSKA JE POZNATA PO TULIPANIMA I VJETRENJAČAMA.

KOJI JE GLAVNI GRAD NIZOZEMSKE?



SLOVENIJA JE POZNATA PO PREDIVNOJ PRIRODI.

KOJI JE GLAVNI GRAD SLOVENIJE?



4

5

BOSNA I HERCEGOVINA JE POZNATA PO SVOJOJ KULTURNOJ BAŠTINI, UKLJUČUJUĆI
JEDINSTVENE STEĆKE, SREDNJOVJEKOVNE KAMENE SPOMENIKE KOJI SU
RASPRŠENI ŠIROM ZEMLJE.



KOJI JE GLAVNI GRAD BOSNE I HERCEGOVINE?



RJEŠENJA: 1. PARIZ; 2. RIM; 3. AMSTERDAM; 4. LJUBLJANA; 5. SARAJEVO
KLJUČNA RIJEČ: PRIJATELJSTVO



ORGANIZACIJA UJEDINJENIH NARODA ZA OBRAZOVANJE, ZNANOST I KULTURU (UNESCO) OSNOVANA JE 1945. GODINE, S CILJEM PROMICANJA MIRA, SURADNJE I OČUVANJA KULTURNE BAŠTINE.

DANAS SE NA LISTI ZAŠTIĆENE SVJETSKE BAŠTINE UNESCO-A NALAZI **VIŠE OD TISUĆU SPOMENIKA U 159 DRŽAVA**, A NAJVIŠE IH JE U ITALIJI, KINI, ŠPANJOLSKOJ I FRANCUSKOJ.

UNESCO-VA SVJETSKA BAŠTINA DIJELI SE NA **PRIRODNU BAŠTINU I KULTURNU BAŠTINU**, DOK SE **NEMATERIJALNA KULTURNA BAŠTINA** VODI NA ZASEBNOM POPISU.

NA SPISKU SVJETSKE BAŠTINE UNESCO-A NALAZE SE I **SPOMENICI IZ BOSNE I HERCEGOVINE**: MOST MEHMED-PAŠE SOKOLOVIĆA U VIŠEGRADU, STARI MOST U MOSTARU, STEĆCI NA 20 LOKACIJA I, ODSKORA, PEĆINA VJETRENICA.

MOST
MEHMED-PAŠE
SOKOLOVIĆA
U VIŠEGRADU


STARI MOST
U
MOSTARU



PEĆINA
VJETRENICA
STEĆCI




TESTIRAJTE SVOJE ZNANJE I ZAJEDNO S PRIJATELJIMA POKUŠAJTE ODGONETNUTI **U KOJEM SU GRADU NALAZE GRAĐEVINE NA SLICI**, KOJE SU POD ZAŠTITOM UNESCO-A. NEKE OD NJIH STE, MOŽDA, VEĆ POSJETILI. TOČNE ODGOVORE PROVJERITE U ZAGRADI.



(1. SPLIT, 2. ATENA, 3. PIZA, 4. MOSTAR, 5. BARCELONA, 6. BEČ, 7. BUDIMPEŠTA, 8. VIŠEGRAD)

JEZICI EVROPSKE UNIJE



JEDNO OD NAJVAŽNIJIH OBILJEŽJA EVROPSKE UNIJE JE **JEZIČKA RAZNOLIKOST** JER SU JEZICI KOJIM SE GOVORI U DRŽAVAMA ČLANICAMA VAŽAN DIO KULTURNE BAŠTINE.

U EVROPSKOJ UNIJ SE GOVORE 24 JEZIKA:

BUGARSKI, ČEŠKI, DANSKI, ENGLISKI, ESTONSKI, FINSKI, FRANCUSKI, GRČKI, HRVATSKI, IRSKI, LATVIJSKI, LITVANSKI, MAĐARSKI, MALTEŠKI, NIZOZEMSKI, NJEMAČKI, POLJSKI, PORTUGALSKI, RUMUNSKI, SLOVAČKI, SLOVENSKI, ŠPANSKI, ŠVEDSKI I ITALIJANSKI.

U EVROPSKOJ UNIJ SU U UPOTREBI TRI PISMA:

LATINICA, ĆIRILICA I GRČKI ALFABET.

NAPISALI SMO 24
PUTA **DOBAR**
DAN, A VI
POKUŠAJTE
POGODITI NA
KOJEM JEZIKU.
TAČNI ODGOVORI
SE KRIJU U
ZAGRADI.

1. **GODDAG**
2. **BONJOUR**
3. **JÓ NAPOT**
4. **HYVÄÄ ILTAPÄIVÄÄ**
5. **GOOD AFTERNOON**
6. **DIA DHUIT**
7. **BOA TARDE**
8. **BUON GIORNO**
9. **IL-ĠURNATA IT-TAJBA**
10. **GOD DAG**
11. **DOBER DAN**
12. **GUTEN TAG**
13. **GOEDENDAG**
14. **ДОБЪР ДЕН**
15. **DOBRÝ DEŇ**
16. **BUENOS DÍAS**
17. **LABDIEN**
18. **BUNÄ ZIUA**
19. **LABA DIENA**
20. **KALIMERA (Καλημέρα)**
21. **DOBRÝ DEN**
22. **DZIEŃ DOBRY**
23. **TERE PÄEVAST**
24. **DOBAR DAN**

GODDAG

BUON GIORNO

GUTEN
TAG

KALIMERA

(1-danski, 2-francuski, 3-madžarski, 4-finski, 5-engleski, 6-irski, 7-portugalski, 8-italijanski, 9-maleški, 10-švedski, 11-slovenski, 12-njemački, 13-nizozemski, 14-bugarski, 15-slovački, 16-španski, 17-latvijski, 18-rumunski, 19-litvanski, 20-grčki, 21-češki, 22-poljski, 23-estonski, 24-hrvatski)

PREDSTAVLJAMO POBJEDNIKE

AKO JE SUDITI PO BROJU RADOVA KOJE STE NAM POSLALI DO KRAJA JANUARA 2024. GODINE, PRIRODNE LJEPOTE BOSNE I HERCEGOVINE BILE SU ZA VAS ITEKAKO INSPIRATIVNE. UŽIVALI SMO U CRTEŽIMA KOJE STE NAM POSLALI I NIJE NAM BILO JEDNOSTAVNO ODABRATI PET NAJBOLJIH JER STE SVI BILI VRIJEDNI I KREATIVNI.

AUTORICE I AUTORI POBJEDNIČKIH RADOVA U 14. BROJU „EU PALČIĆA“ SU EMMA O. IZ ZAVIDOVIĆA, ALEM C. IZ SARAJEVA, LARISA S. IZ TEŠNJA, HANA Š. IZ KUDIĆA I NICOLE G. IZ SARAJEVA.

ZAHVALJUJEMO SE SVIM UMJETNICAMA I UMJETNICIMA KOJI SU POSLALI CRTEŽE, A POBJEDNICAMA I POBJEDNICIMA ČESTITAMO.

BRAVO ZA SVE NAŠE UMJETNICE I UMJETNIKE!!!



EMMA O.



ALEM L.



LARISA S.



HANA Š.



NICOLE G.



EVROPSKA UNIJA I KUĆNI LJUBIMCI - PRAVILA PUTOVANJA



UKOLIKO SE SPREIMATE NA PUT U NEKU OD 27 DRŽAVA EVROPSKE UNIJE, A PLANIRATE POVESTI I SVOG KUĆNOG LJUBIMCA, MORATE NA VRIJEME PRIPREMITI POTREBNA DOKUMENTA KAKO BI VAŠ PAS ILI MAČKA BEZ PROBLEMA PROŠLI GRANIČNU KONTROLU.

KUĆNI LJUBIMCI MORAJU IMATI CERTIFIKAT EVROPSKE UNIJE O ZDRAVLJU ŽIVOTINJA KOJI SADRŽI PODATKE O VAŠEM LJUBIMCU – IME, ZDRAVSTVENO STANJE I EVIDENCIJU O PRIMLJENIM VAKCINAMA PROTIV BJESNILA.



CERTIFIKAT ĆETE DOBITI KOD **OVLAŠTENOG DRŽAVNOG VETERINARA**, NAJVIŠE 10 DANA PRIJE NEGO ŠTO KUĆNI LJUBIMAC KRENE NA PUT. POTREBNO JE, TAKOĐE, ISPUNITI I PISANU IZJAVU DA VAŠ PAS ILI MAČKA PUTUJU IZ RAZLOGA KOJI NISU KOMERCIJALNE PRIRODE.

NA PUT MOŽETE POVESTI NAJVIŠE PET KUĆNIH LJUBIMACA.

STANOVNICI EVROPSKE UNIJE MORAJU IMATI EVROPSKE PASOŠE ZA KUĆNE LJUBIMCE KOJI SE IZDAJU SAMO ZA PSE, MAČKE I TVOROVE. ZA ULAZAK OSTALIH KUĆNIH LJUBIMACA, POPUT PTICA, RIBICA ILI GMAZOVA, DRŽAVE IMAJU RAZLIČITE PROPISE KOJE JE POTREBNO RANIJE PROVJERITI.



DRAGE PALČICE, DRAGI PALČIĆI

SIGURNI SMO DA VOLITE ŽIVOTINJE, DA IH PAZITE I HRANITE, BEZ OBZIRA DA LI ŽIVE U VAŠEM DOMU ILI BORAVE U SUSJEDSTVU, A MOŽDA I U ŠKOLSKOM DVORIŠTU. VAŠ ZADATAK U 15. BROJU „PALČIĆA“ JE DA NACRTATE VAŠEG KUĆNOG LJUBIMCA ILI LJUBIMCE, ODNOSNO OMILJENU ŽIVOTINJU I DA NAM POŠALJETE CRTEŽ.

VAŠE RADOVE ŠALJITE NA ADRESU:
DIREKCIJA ZA EVROPSKE INTEGRACIJE
ĐOKE MAZALIĆA 5
71000 SARAJEVO
SA NAZNAKOM „ZA PALČIĆ“

VAŽNO, VAŽNO, VAŽNO!!!

NEMOJTE ZABORAVITI NAPISATI SVOJE IME I PREZIME,
KOLIKO IMATE GODINA, NAZIV ŠKOLE I ADRESU STANOVANJA.

PET NAJBOLJIH UMJETNICA I UMJETNIKA I OVE GODINE NAGRAĐUJEMO
POKLON PAKETIMA IZNENAĐENJA.

CRTEŽE MOŽETE SLATI DO 31. 1. 2025. GODINE.
IMENA POBJEDNIKA I NJIHOVE RADOVE ĆEMO OBJAVITI NA DRUŠTVENIM MREŽAMA
DIREKCIJE ZA EVROPSKE INTEGRACIJE I U NAREDNOM BROJU „EU PALČIĆA“.

SRETNO! 😊



BiU EMBRACE
DIVERSITY

